



# DOMOWINA

23.09.2022

## **Wólbný porjad za wuzwolenje serbskich zastupjerjow ze Swobodneho stata Sakska do Rady Załožby za serbski lud za dobu 2023 – 2027**

---

### Preambla:

Zakład za tutón wólbný porjad twori protokolowa notica k artiklej 7 wotstawk 1 čo 1 statneho zrěčenja mjez Krajom Braniborska a Swobodnym statom Sakska wo wutworjenju „Załožby za serbski lud“ z dnja 28. awgusta 1998, hdžež rěka:

Kraj Braniborska zwěsći, zo Rada za serbske naležnosće (§ 5 Serbskeho zakonja) zastupjerjow serbskeho ludu z Kraja Braniborska w Załožbowej radže pomjenuje. **Swobodny stat Sakska zwěsći, zo přewjedže so pomjenowanje a wotpóslanje zastupjerjow serbskeho ludu ze Swobodneho stata Sakska přez zwjazkowe předsydstwo třěšneho zwjazka „Domowina – Zwjazk Łužiskich Serbow“ po wothłosowanju ze serbskimi zjednoćenstwami.**

Na zakładže artikla 7 wotstawk 1 pomjenuje Zwjazkowe předsydstwo Domowiny štyrjoch rjadnych člonow do Załožboweje rady. Po artiklu 7 wotstawk 2 pomjenuje so za kóždeho rjadneho člona naměstnik.

**1.** Přihoty a přewjedženje wólbow nawjeduje wot Zwjazkoweho předsydstwa Domowiny powołany nachwilny wólbný wuběrk.

Člonojo wólbneho wuběrka njesmědža za tute wólby kandidować. Wuběrk wuzwoli sej předsydu, kiž džěławosć wuběrka nawjeduje.

**2.** Zwjazkowe předsydstwo namołwi w serbskich medijach zjawnje k zapodaću namjetow za tute wólby hač do 01.11.2022.

W namołwje wozjewja so wot zwjazkoweho předsydstwa wopodstatnjene wočakowanja na kandidatow.

Kóždy kandidat wupraji we wosebitym naprašniku swoju zwólniwość ke kandidaturje a zapoda informacije wo swojej wosobje.

**3.** Wuběrk nastaji kandidatnu lisćinu a wozjewi ju w serbskich medijach. Kandidaća měli so w předpolu wólbow w zjawnosći předstajić.

**4.** Wólby přewjedu so na zjawnym posedženju zwjazkoweho předsydstwa dnja 25.11.2022.

Do wólbow předstaji kóždy kandidat swoje wobsahowe čěžisća pisomnje (maks. jedna A4-strona). Tute wudžětki maja so hač do 04.11.2022 na zarjad Domowiny zapodać, zo bychu so sobu do podložkow za posedženje zwjazkoweho předsydstwa zapřijeć móhli.

Na posedženju smědža člonojo zwjazkoweho předsydstwa do wólbow prašenja na kandidatow stajić.

- 5.** Wólbny lisćik wupokaza kandidatow po rjedže dochada kandidatnych namjetow. Woli so w padže tajnych wólbow z nakřižowanjom kašćika před mjenom kandidata. Kóžde mjeno kandidata smě jenož jedyn křižik dóstać. Nakřižować maja so jenož telko mjenow kandidatow, kelkož ma so we wotpowědnym dźělu wólbneho akta wolić, hewak je wólbny lisćik njeplaćiwy. Je pak móžne, mjenje kandidatow nakřižować. Jenož plaćiwe hłosy so liča.
- 6.** W přnim dźělu wólbneho akta wola so rjadni čłonojo přichodneje Rady Załožby za serbski lud. Kóždy čłon zwjazkowego předsydstwa ma štyri hłosy. Po tym, zo su ći štyrjo z najwjace hłosami swoju wólbnu přiwzali, nastaji so wólbny lisćik za druhi dźěl wólbow, w kotrymž so naměstnicy rjadnych čłonow wola. Tež tući měli swoju wólbnu přiwzać.
- 7.** Wuzwoleni su po slědže docpětych hłosow ći z najwjace hłosami. Njewuzwoleni su po ličbje hłosow naslědni kandidaća, kotřiž we wólbnej dobje slěduja, zložili jedyn rjadny abo zastupowacy čłon swoju funkciju.
- 8.** Wólbna komisija wuliči hłosy zjawnje w rumnosći posedženja zwjazkowego předsydstwa. Předsyda wólbneje komisije wozjewi wuslědki wólbow a naprašuje so, hač wuzwoleni wólbnu přiwozmu.
- 9.** Předsyda wólbneje komisije spisa protokol wólbow a přepoda rezultaty direktorej Załožby za serbski lud a zjawnosći.

## **Wočakowanja na kandidatow k nowowólbam serbskich zastupjerjow ze Swobodneho stata Sakska do Rady Załožby za serbski lud**

- wólbokmanosć po wólbnyh zakonju
- wuznaće k přisłušnosći serbskemu ludej
- wobknježenje serbskeje řeče (pisomnje a ertnje)
- wobšěrne znajomosće resp. nazhonjenja na polu serbskich stawiznow a serbskeje kultury
- wosobinski angažement za serbski lud (na př. w serbskich towarstwach a zjednoćenstwach abo w komunalnych gremijach za serbske naležnosće)
- zwólniwosć k čestnohamtskemu dźělu jako člonka/člon Rady Załožby za serbski lud a k přewzaću zamołwitosće při rozsudach wo přichodnych strukturach a wo financnym wuhotowanju serbskich institucijow